



## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

Complectens copiosè Resolutiones Theologicas, etiam modernas, ad  
proxim accommodatas

**Archdekin, Richard**

**Antverpiæ, 1682**

§. 2. Dissolvuntur aliquorum Theologorum argumenta, Cum modernis  
recenter adjectis.

**urn:nbn:de:hbz:466:1-40873**

Sed in prædictis semper observandum, Usum opinionis minus probabilis locum non habere, ubi agitur, non tantum de honestate actionis, sed insuper de valore operis, ut in administratione Sacramentorum extra necessitatem, vel ubi intercedit certa alterius injuria, aut lex, aut conventio procedendi ex certioribus, ut in Juge, & huicmodi aliis.

Ex his patet, tam ratione, quam præxi in omni genere hominum prudentissimorum, sententiam hanc, quam vocant benignorem, semper locum & usum habuisse: & cum illa consistere viam prudenter formandi conscientiam in operando practicè certam & securam. Via veritatis objectivæ unica est, & in tramite indivisibili consistens, quam certò attingere paucis datum. Nonne igitur æquè laxitatis arguendus, tam qui ad sinistram per nimium sentiendi rigorem, quam qui ad dexteram per nimiam benignitatem ab hoc indivisibili tramite declinat? Nonne æquè injustum, ligare ad indebita, quam à debitis absoluere? Ut ergo laxi non simus, utrumque caveamus.

S. 3.

*Dissolvuntur aliquorum Theologorum argumenta.*

**O**bijcies primò, Qui sequitur opinionem minus probabilem, minusque tutam, incurrit majus periculum peccandi, quam si amplectetur opinionem probabiliorem, ac tutiorem. Hoc verò existimari debet illicitum, ut quis sciens, volensque se violandæ legis periculo expónat.

D 2

Ref.

Respondeo negando antecedens , & id quod gratis supponit. Nego inquam , illum qui opinioni sive magis sive minus probabili adhaeret , ullum peccandi periculum adire : frustra igitur de majori periculo disputatur , ubi nullum incurritur. Certus enim est se prudenter , adeoque licet agere , quando procedit ex opinione quam constat esse verè probabilem , sive niti ratione vel autoritate non levis momenti : qui autem prudenter agit non potest formaliter peccare , etiam si contingere objectum circa quod versatur esse materialiter malum , sive aliqua lege prohibitum. Nullum igitur hic incurritur periculum peccati formalis , omne autem periculum peccati materialis semper evitare nullâ lege juberetur , uti etiam ex resolutione , & dispensatione summorum Pontificum supra demonstrevi.

Instat tamen iterum Wendrochius hoc Syllogismo , ut ipse arbitratur , gravissimo ; sed nullius ponderis , si recte libretur. Ille inquit , contra conscientiam agit , qui id facit quod conscientia judicat non esse faciendum. At cum aliquis probabilius esse censem , aliquid esse illicitum quam licitum , utique etiam probabilius esse judicat fugiendum id esse , quam faciendum. Ergo qui sic affectus operatur , procedit ille contra lumen ac judicium suæ conscientiæ.

Respondeo , admissa majori , falsam esse minorem quae subsumitur , nec minus fallacem esse consequentiam quae inde deducitur. Falsum , inquam est , quod probabilius censeat id sibi fugiendum esse , quam faciendum : imo certò statuit actionem suam , hic & nunc licet exercendam , dum probabili ratione , adeoque prudenter judicat

judicat legem non obstringere, nec eam sibi sat-  
tis innotescere. Itaque imperitè supponit Wen-  
drochius hæc duo semper esse connexa : objec-  
tum quounque modo judicari malum, sive le-  
ge prohibitum ; & actionem quæ tendit in ob-  
jectum semper judicari illicitam : cum tamen  
sæpe contingat legis prohibitionem tam imper-  
fecto judicio innotescere, ut prudenter conclu-  
dere possim me illâ non obligari,

Obiicit idem tertio, argumentum desumptum  
ex sequela in materia fidei periculosa. Si licet  
alicui, contra propriam opinionem quam ju-  
dicat probabilem, sequi alienam sententiam æ-  
què aut minus probabilem, eique tutò acquies-  
cere : ergo etiam Hæreticus, qui eo devènit  
ut veritatem Ecclesiæ Romanæ judicet esse  
probabilem, poterit nihilominus suæ hæresi  
adhærescere, & immori ; quam nempe ob au-  
thoritatem suorum Ministrorum æquè, aut etiam  
minus probabilem esse decernit.

Respondeo, negando consequentiam. Quia  
Hæreticus ille non potest bonâ fide sistere in ista  
opinione probabili, quia potest, ulterius inve-  
stigando notas veræ Ecclesiæ, veritatem fidei  
certò deprehendere : adeòque imprudenter ac-  
quiescit opinioni tantum probabili illius rei, in  
qua potest certitudinem attingere, dummodò  
in veritate investiganda moralem diligentiam  
adhibeat. Insuper in materia fidei peculiare est,  
quod ipse error materialis, annexa habeat in-  
commoda maxima, in carentia Sacramentorum,  
aliorumque mediorum ad salutem conducenti-  
um. In aliis autem actionibus merè ad humanos  
mores & commercium pertinentibus, cum non  
detur via ad certam rei veritatem perveniendi

78 *Pars 3. tract. 3. De Opinionum probabilitate*  
quocunque studio inquiratur, prudenter acquisit  
escit animus veritati probabiliter inventæ, cum  
non possit morali diligentia veritatem certam  
& indubitatem attingere. Fateor autem in qua  
vis materia, si cum morali & moderata diligen  
tia promptum sit ad certam rei veritatem pene  
trare, licitum non esse sistere in opinione tan  
tum probabili: atque ita consequenter assero, in  
die jejunii fas illi non esse vesci carnibus qui ex  
diverso pulsu campanarum probabile judicat  
nondum adesse horam noctis duodecimam, si ex  
instrumento mathematico quod in promptu ha  
bet, certò possit horam noctis explorare. Nihil  
igitur ex hac sententia incommodi redundat, in  
quo vel ipse Wendrochius, vel ejus affectiæ ali  
quam laxitatis, aut malæ fidei speciem redar  
guant.

Objicies quartò, cum Sinnichio, dictum Christi,  
*Ego sum veritas*, non autem dixit, *ego sum*  
probabilitas. Ergo non licet sequi opinionem  
merè probabilem.

Respondeo in simili forma. Dixit Christus, *E  
go sum ostium*, non verò, ego sum fenestra. Ergo  
necessè est semper intrare per ostium, nunquam  
per fenestram. Dico igitur hanc objectionem  
posse in ipsum awhorem retorqueri. Si enim ex  
eo quod Christus dixerit, *Ego sum veritas*, illicitum  
sit amplecti opinionem probabilem, nefas etiam  
erit sequi sententiam probabiliorē aut moraliter  
certā, sàepe enim contingit illis non subesse ver  
itatem, cum judicium quod nobis appetit mora  
liter certum, possit falli, & omni veritate distitui.

Instat tamen ex autoritate S. Augustini lib.  
de util. credendi cap. 11. „Quod intelligimus de  
„bemus rationi, quod credimus authoritati,  
„quod opinamur errori.„ Ergo opinio ad ni  
hilum

hilum valet nisi ut à veritate aberremus. Quia, inquit Sinnichius, opinantem latet veritas etiam dum adeat, adeoque sic agit ac si veritas semper abeasset.

Respondeo, S. Augustinum loqui de opinione longè diversa à judicio probabili, de quo hoc loco disceptamus, uti patet ejus verba attentius exponendi codem cap. 11. Tria, inquit, alia hominum genera profectò improbanda ac detestanda, primum est opinantium, id est, eorum qui se arbitrantur scire quod ne-  
sciunt. Ubi disertè ostendit se agere de opinione quæ adjunctam habet aestimationem falsam, eorum scilicet qui putant suam opinionem esse perfectam scientiam, quod semper est erro-  
neum: opinioni autem de qua hic agimus, ne-  
mo nisi fatus ejusmodi persuasionem adjungit, cum agnoscant omnes opinionem esse assensum  
incertum, & à scientia omnino diversum. Ne-  
que verum est quod adjungitur, opinantem sic  
agere ac si veritas semper abeasset. Quia etsi is  
judicet opinando posse falli, non existimat ta-  
men suæ opinioni falsitatem actu subesse, imo  
probabile judicat suam opinionem veritati con-  
formem esse, seque cum probabili veritatis no-  
titia prudenter procedere. Quâ ergo veri spe-  
cie dici potest, illum qui opinatur falsitatem  
implicitè semper amplecti, atque ita agere ac si  
veritas omnino abeasset?

Objicies quintò, cum Mercoro. Si licitum  
foret sequi sententiam merè probabilem, Adam  
& Eva manducando pomum vetitum immunes  
fuissent à violatione præcepti divini: quia po-  
terant pro se obtendere sententiam probabi-  
lem, quæ docet legem pænalem non obligare  
in conscientia, cum Navarro, Lessio, Valen-

80 Pars 3. tract. 1. De Opinionum probabilitate  
tia , aliisque : præceptum autem primis paren-  
tibus impositum prolatum est in forma legis  
pænalis , In quacunque die manducaveritis mo-  
riemini. Ergo excusandi sunt primi parentes  
à peccato formalī , & posteri ab originali , si  
norunt sibi formare conscientiam artificio  
sententiae probabilis.

Respondeo , negando illud Assumptum , quod  
plusculum præfert falsis , quam scientiæ . Siquidem ignorat Adamum & Eam nullam habuisse  
opinionem sive probabilem , sive improbabilem in primo illo statu innocentiæ , ut disertè  
docet D. Thomas Q. 18. de veritate art. 6. ubi  
sic concludit : Ex quo patet quod solum in eo  
(primo homine) nulla falsa opinio fuisset , sed  
penitus nulla opinio in eo fuisset , & quidquid  
cognovisset secundam certitudinem cognovis-  
set ; in statu scilicet illo innocentiae perseverans . Quinino tam clarè constabat illis de vo-  
luntate divina , ut persuasio illa , quâ pertra-  
hente de fructu vetito comedenterunt , censeatur  
etiam formalis infidelitas , ex plurium Patrum  
sensu , ut tradit Bellarmius in tom. 4. de amiss.  
gratiæ & statu peccati cap. 6. Corruit igitur  
tota basis hujus Machinæ contra usum probabi-  
litatis jam inde ab Adam , frustra quæsitæ .

Objicies Sextò , Major probabilitas elidit mi-  
norem. Ergo non licet in operando sequi sen-  
tentiam minus probabilem in concursu senten-  
tiæ probabilioris.

Respondeo neque assumptum , prout patet ex  
dictis §. præcedenti. Porro pro majori elauda-  
tione dico , Rarò admodum hunc casum in  
praxi locum habere: quia valdè rarus est & sin-  
gulariter doctus , qui ex principiis intrinsecis  
potest sufficienter discernere , quænam ex dua-  
bus

bus sententiis probabilibus sit probabilius, sive, an rationes sint verè tales quæ elidant probabilitatem sententiæ oppositæ. Videmus enim experienciâ assiduâ inter doctiores, id quod uni probabilius apparet, alteri minus probabile videri. Unde patet quam esset ipsis etiam doctis onus intolerabile, & passim moraliter impossibile sententiam magis probabilem investigare, & invenire, anteaquam possint licet operari. Cum igitur hoc sit tam incertum, difficile non est judicium de majori probabilitate suspendere, & uni parti verè probabili se prudenter accommodare.

Sed ponamus virum doctum rationibus utrumque studiosè ponderatis, unam partem judicare probabiliorem, sic ut oppositam probabilitatem elidat. Vel id judicat evidenter, vel tantum probabiliter. Si evidenter, sic ut oppositam probabilitatem manifestè elidat, & tollat, jam ea pars est illi moraliter certa, eamque sine dubio præferre deber.

Si autem judicat esse probabiliorem, & oppositam probabilitatem elidere, judicio tantum probabili, adeoque incerto, potest prudenter judicium illud, forte errare, uti etiam inter doctos sœpè contingit; atque ita judicium reflexum formare, se prudenter acturum etiamsi alteram partem quæ passim probabilis habetur, in operando sequatur. Et hoc locum habet etiam quando opinio appareat extinsecè probabilior, quia adhuc non constat quod illa quæ majori fulcitur autoritate melioribus rationibus stabiliatur, cum alii has, alii illas præferant.

Rationes autem suspendendi judicium de majori alterius partis probabilitate, & sequendi

D 5 aliam.

82 Pars 3. tract. 1. De Opinionum probabilitate  
aliam minus probabilem, possunt esse sequen-  
tes.

Primo, quia neque constat, neque credibile  
est extare præceptum generale investigandi &  
sequendi partem probabiliorem, propter diffi-  
cultates maximas quæ inde sequentur in  
commercio humano. Quando enim postea oc-  
curredet nova ratio contra sententiam quæ an-  
te videbatur probabiliore, eporteret rescinde-  
re contractum ex sententia probabiliore initum:  
revocare consilium ex illa datum: resarcire re-  
stitutionem ob majorem probabilitatem pridem  
factam, aut non factam &c. uti notavi supra  
Part. 3. tract. 1. P. 14. Imo fere hæc præstanda  
essent quoties prodit novus Author qui ostendit  
partem illam non esse probabiliorem: aut quan-  
do peritus judex in pari causa fert sententiam  
contra opinionem quæ tibi in agendo aut con-  
sulendo visa est probabiliore. Certum denique  
est, nullum dari præceptum generale sequendi  
semper tutiora, ut in consiliis Euangelicis, &  
aliis innumeris ostendi potest.

Secundo, si pro sententia probabiliore dare-  
tur talis obligatio, sæpe tolleretur in Repub.  
omnis subordinatio, ac recta gubernatio. Dum  
enim superior imperabit aliquid probabiliter li-  
citum, & oppositum subdito videbitur esse pro-  
babilius, & rationes oppositas elidere, non li-  
cebit illi de majori probabilitate suum judicium  
suspendere, aut suo superiori obtemperare con-  
formando se illius sententiæ minus probabili,  
si illicitum sit in concursu probabilioris se-  
quentientiam minus probabilem. Quod quam per-  
niciosum foret, & omnis disciplinæ laxatinum  
nemo non videt: uti etiam insinuatum est su-  
pra.

Tertio,

Tertiō , si per majorem probabilitatem semper elidatur minor , sic ut non liceat dicto modo p̄escindere , & minus probabilem amplecti , Inde sequetur , non licere etiam sequi sententiam magis probabilem : Probatur sequela , ex dictis §. superiori post medium.

Objicies septimō , prohibita est ab Innocentio XI. propositio hæc 3. Generatim dum probabilitate , sine intrinsecā , sive extrinsecā quantumvis tenui , modò à probabilitatis finibus non exeatur , consit̄ aliquid agimus , semper prudenter agimus . Ergo non licet sequi sententiam probabilem relictā probabiliori.

Respondeo , negando consequentiam : quæ sic concludit: Non licet sequi probabilitatem quantumvis tenuem : Ergo non licet sequi ullam probabilitatem quantumvis non tenuem , relictā probabiliori . Vide quæfo , an consequens illud in antecedente contineatur . Certè non magis quām hic : Pater præcepit filio , ne ambulet in extrema crepidine ripæ fluminis : ergo præcepit filio ne uspiam ambulet in ripa .

Dico igitur , nuspiam nos docere (ut ex antedictis liquet) quod generatim liceat sequi sententiam probabilem : etenim excipimus casum , quo agitur de valore Sacramenti extra necessitatem , vel quo certa injuria , periculum proximi , lex aut conventio in contrarium adeat . Et ratio est , quia in similibus quamvis opinio quædam sit speculativè probabilis , non tamen est practicè talis .

Secundō dico , probabilitatem longè aliter accipi à nobis , quām in propositione damnata : à nobis accipitur pro ea quæ ntitur motivo gravi , in propositione pro ea quæ ntitur motivo levi , atque etiam pro verisimilitudine qualibet , uti patet ex illis verbis : quantumvis tenui . Additur

84 Pars 3. tract. 1. De Opinionum probabilitate  
ibi quidem: modò à probabilitatis finibus non exeat; sed per hoc intelligi nequi probabilitas illa rigorosa seu strictè accepta: alioqui enim proposicio illa sibi contradiceret, cùm implicet juxta communio rem & à nobis assignatam notionem probabilitatis, dari aliquam opinionem quantumvis tenuem, id est, tenui prorsus fundamento subnixam, & tamen à probabilitatis finibus non extre..

Prætereà vix ulla Theologis doctrina est communior, quād ad licitum usum probabilitatis requiri, ut probabilitas sit certa; probabilitas autem quantumvis tenuis tandem deficit à certitudine: neque enim quod proximè accedit ad confinia probabilitatis & improbabilitatis, facile dictu est sitne probabile an improbabile, ita ut vel hoc titulo propositorio sicut jacet, scandalosa sit, aut temeraria, statuendo scilicet aut eligendo illud pro regula actionis moralis, quod proximè, aut forte reipsā accedit ad improbabilitatem & imprudentiam. Actus enim virtutum extremi & tenuissimi tam parum distant à vitiis oppositis, ut vix ab his discerni possint, ut rectè exprimit Sapiens, *vult, & non vult piger.* Sed & notandum est, Idem non minus locum habere in sectando nimio sententiarum rigore, ut consideranti facile parebit: à finibus enim virtutum tam per excessum, quād per defectum degeneratur, ut in justitia valde rigorosa, & valde languida. Hinc monet scriptura: *Noli esse justus multū. Non sapere plusquam oportet sapere, sed ad sobrietatem.*

Quinimo haec doctrina potius ex superiori objectione videri possit potius novum robur assumere. Quia declarando licitum non esse operari ex probabilitate quantumvis tenui, satis insinuatur,

sinuatur, probabilitatem certam, & minimè tenuem nullo modo improbandam esse: ad hoc enim limitatio illa deseruit. Quin etiam cautum fuit, ne actio ex illa ipsa tenui probabilitate censeretur reprobanda, nisi addendo, *quantumvis* tenui, & nisi dicatur, *generatim*, ac etiam *semper* cum ea prudenter agi. Vide an exceptiones illæ non potius firment regulam doctrinæ quæ oppugnatur, & superius exposita est.

Objicies octavò, cum Scriptore recenti: Quædam è propositionibus ab Alexandro VII. & Innocentio XI. prohibitis, erant ante prohibitionem verè probabiles, quamvis oppositæ essent probabiliores & tutiores; & tamen omnes & singulæ prohibentur tamquam scandalosæ & in praxi perniciosæ: ergo signum est, non licere sequi sententiam probabilem, relata probabiliore & tutiore: quia alioqui illæ propositiones non potuissent eatenus prohiberi.

Respondeo, negando sequelam: nam inde tantum sequitur, opiniones quæ verè sunt probabiles, posse reddi absolutè improbabiles, finempe per Sedem Apostolicam declarantur scandalosæ aut alia censurā afficiantur; ut etiam insinuatum est supra P. XXIII. Ad probationem dico, opiniones quæ anteà non sunt scandalosæ, reddi tales, dum incipit certò constare omnibus consideratis illas jam non nisi motivo gravi, in oppositum accedente condemnatione Pontificis imò potest sententia quædam effici absolutè improbabilis, quando aliquis particularis inventit novam & solidam rationem, quæ manifestè elidet rationem oppositam: ex quo non inferes illam anteà non fuisse probabilem & turam, imò & probabiliorem, imò & communem. Nonne at notum est Philosophiæ peritis axioma

Aristote-

86 Pars 3 tract. I. De Opinionum probabilitate  
Aristotelicum: Falsa sèpè sunt probabiliora veris? Nemo certè peritus supponit probabilitatem esse prædicatum objecto intrinsecum & inseparabile, nonunt omnes illam se tenere ex parte nostri intellectus tali motivo instructi, ut in omni Dialectica docetur.

Hinc æquo Judici statuendum relinquo, quam recta sit hodie quorundam in Scholæ unius Authores accusatio. Si horū aliquis sententias aliorum aliquas etiam meritò impugnaverit, hoc ipsum in displicentiam non modicam trahitur, ut ex præteritis nimis notum est. Si è contra aliquā aliorum Authorum sententiam, postea improbatam, cum multis agnoverit probabilem, statim illi uni, non aliis, sententia ista imputatur, & adscribitur, quamvis etiam multis modis illam limitaverit, aut etiam contrariam tradiderit. Hoc, inquam, quam rectum & sincerum sit nihil staruo, sed æquo lectori in rebus passim modernis utiliter considerandum committo.

Postremò congeruntur varia loca, partim ex Jure Canonico, partim ex authoritate Patrum, & Doctorum deprompta; quæ contra usum sententiae probabilis frustra intorquentur: eo quod non pertineant ad statum hujus controversiae, in multis ab aliquibus non satis examinatae, qui sèpe inter conscientiam probabilem, & dubiam non discernunt, & consilium amplectendi tutiora cum præcepto confundunt. Hæc autem summoperè cavenda sunt in hac quæstione, quâ nulla est per Theologiam universam ad praxim magis necessaria, ideoque hic paulò latius deducenda fuit.

§ 4. An